

ղիկ), երկու կողմից մի մի տերեւ, որի նըմանութիւնը տեսանք Բրդաձորի խոյակինբից մէկի վերայ: Ծաղկից վեր կանգնած է մի մարդ, մէջքից վեր կտարուած (Պատկ. 98), նեղ անդրափարտիկով սասանեան շրջանի եւ կօշիկներով. վերնազգեստը չուխալածեւ, թեւը կախուած, հաւանօրէն ննջեցեալը:

Երբորդ երեսը ներքեւում նոյն ականթն է ինչ որ նախընթաց երեսներում, բայց պատկերաքանդակը եղակի է եւ նմանը չէ պատահած ոչ մի տեղ. բաճկոնը սեղմ եւ մինչեւ ծնկները հասած, իրանը գօտիով սեղմած եւ գօտիի կապը առաջից կախ. ոտքերը ծածկուած ականթի յետեւը, որ հելլենական ձեւակերպութիւն է (Պատկ. 99): Գլխարկի ձեւն անորոշ, փշացած լինելու պատճառով: Երկու ձեռքով գլխից վերեւ սկուտող ունի բռնած, մէջը երկու բոլորակ հաց՝ երեսները ութ թեւանի խաչով զարդարած, որ նուէր է մատուցանում, արդեօ՞ք վերեւի անձնատրութեան, որի ոտներն են միայն երեւում տարօրինակ կօշիկով (սանդալ՝): Մեզ համար միանգամայն մութ է քանդակի նշանակութիւնը:

Չորրորդ երեսին ներքեւում նոյն ականթն է եւ նորա գլխին կոթաւոր մի սլաք, սուր ծայրը դէպի վեր (Պատկ. 100), հաւանօրէն նոյն սրածայր եռանկիւնիների կամ սլաքների նշանակութեամբ, ինչ որ տեսանք Թալինում (Պատկ. 70-71):

### ԺԲ.

Մի կարեւոր կոթող էլ ունինք Մաստաւրայում, Արագածի արեւմտեան փէշերին, Թալինից եւ Աղիամանից քիչ դէպի արեւմուտք: Տեղի մասին չունինք աւելի հին տեղեկութիւն, քան է. դարի կէսերը, երբ շինուած է այժմ էլ դեռ եւս կանգուն եկեղեցին, Թէոդոզորոս Գնունեաց (Գնթունեաց՝) եպիսկոպոսի օրով, որը մասնակից եղաւ Ներսէս Գ.-ի դումարած ժողովին 645 թուականին: Ծինութեան այս արձանադրութեան նոյնատիպը հրատարակել ենք մեր Գրչութեան Արուեստի Քարտէսի մէջ: Բայց նախ քան է. դարը այստեղ պէտք է մի աւելի հին եկեղեցի եղած լինի, որի ապացոյցն է այն դերեղմանական կոթողը, որի հնութիւնը մինչեւ 6. դար կարող է հասնել եթէ ոչ աւելի վաղ: Այստեղ մի երեսին (Պատկ. 101) տեսնում ենք բազիլիկ եկեղեցիներին յատուկ

պիլաստրների վերայ պայտածեւ կամար, եւ նորա տակը լուսոյ պսակով մի Փիլուր, տարարողարար շատ եղծուած վիճակում, ձախով աւետարան բռնած եւ աջով օրհնութեան նշան, որ Յիսուսն է: Կամարի գլխին քառանկիւնի շրջանակի մէջ մի առիւծ՝ խաղաղ վիճակում, կողքին մի մարդ կանգնած ձեռքը վերան, նշանակութիւնը պարզ չէ մեզ համար, շատ նման Կայրէքի կոպտական թանգարանի No. 1693 մնացորդին: Պիլաստրների վերայ երեւում են եւ յունարէն գրաֆիտներ, բայց նրանք կապ չունին կոթողի ծագման հետ: Կոթողներից ոչ մէկը գրութիւն չունի:

Երկրորդ երեսը տալիս է մեզ ակնյայտնի աղերս բազիլիկ ոճի հետ, որ ինչպէս քանիցս շեշտել ենք Զ. դարի վերջերից տեղի է տալիս աղբային ոճին: Այստեղ տեսնում ենք զոյգ բոլորակ կիսասիւնների մէջ ձողարձ մի խաչ, պորտում եւ թեւերի ծայրերին ներսից մի մի գնդակ: Այս աւելի բարձր Յիսուսի անդրին (Պատկ. 102): Այս հաւասարակող եւ գնդակներով խաչի ճիշդ նմանը տեսել ենք Պետերբուրգի Էմֆրոսիում, իբր վաղ բիւզանդական արուեստի մի մնացորդ՝ ժամանակը 400 թուականով նշանակուած: Այս մասին մենք գրել ենք այլ առթիւ մեր Հաւուց Թառի Ամենափրկիչը աշխատութեան մէջ: \* Իսկ բոլորակ կիսասիւններն էլ մատնանշում են բազիլիկ ոճի հոսանքը, ինչպէս Տիկորի դրան կիսասիւններն են (տես Ստրչ. Պատկ. 368):

Բայց հետաքրքրական ուրիշ ապացոյցներ է տալիս կոթողի հնութեան մասին երբորդ երեսը (Պատկ. 103), նոյն պիլաստրների մէջ ձողարձ, հաւասարակող եւ գնդակներով խաչը, աւելի բարձր քառանկիւնի շրջանակի մէջ՝ բոյսի կամ ծաղկի երկու կողմից իրար դիմաց երկու թռչուն, մի մտիւ, որ երեւան է գալիս փոքրիկ փոփոխակներով Դ.-Զ. դարերի դիպտիխների եւ սարկոֆագների վերայ, \*\* բայց նաեւ Հայաստանի նոյն շրջանի քրիստոնէական արուեստի մէջ իբրեւ կենդանութեան ծառի կամ աղ-

\* Մեր Հաւուց Թառի Ամենափրկիչը. եր. 38:

\*\* Kraus. Geschichte der christlichen Kunst. I. 99, 253. Kaufman. Christ. Archeol. 294, 311-313, 506.